



Na osnovu člana 6. Pravilnika o utvrđivanju uslova, kriterija i postupaka za ostvarivanje prava na dodjelu plastenika i opreme u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“, na prijedlog Službe za privredu, finansije i budžet, načelnik raspisuje:

## JAVNI POZIV

### za podnošenje zahtjeva za dodjelu plastenika od 100 m<sup>2</sup> sadnim/sjemenskim materijalom, sistemom za navodnjavanje i dodatnom opremom

Općina Fojnica u saradnji sa NVO Muslim Aid Association sa sjedištem u Sarajevu raspisuje Javni poziv za podnošenje zahtjeva za dodjelu dvadeset (20) plastenika od 100 m<sup>2</sup> sa sadnim/sjemenskim materijalom, sistemom za navodnjavanje, kristalonima i dodatnom opremom. Projekat sufinansiraju općina Fojnica 45%, NVO Muslim Aid Association, 40% i krajnji korisnici sa 15% od ukupne cijene plastenika i opreme.

### I PRAVO UČEŠĆA

(1) Pravo učešća u Projektu imaju socijalno i materijalno ugrožene osobe i mlade osobe, koje imaju prebivalište na području općine Fojnica koje posjeduju vlastito poljoprivredno zemljište ili je zemljište u vlasništvu članova uže porodice po pravoj liniji (djed, baka, roditelji, djeca, unuci) te supružnika, kao i zemljište ustupljeno na korištenje ili u zakup na period ne kraći od 3 godine u neposrednoj blizini stambenog objekta u kojem stanuju.

(2) Pravo na dodjelu plastenika sa dodatnom opremom ne ostvaruju:

- a) lica koja su dobila donaciju plastenika od općine Fojnica, nadležnih ministarstava, humanitarnih i drugih organizacija u zadnje tri godine,
- b) članovi uže porodice zaposlenika NVO Muslim Aid Sarajevo i općine Fojnica,
- c) lica koja su u proteklom vremenskom periodu nenamjenski koristila dobijena podsticajna sredstva od strane općine Fojnica, nadležnih ministarstava, humanitarnih i drugih organizacija u zadnje tri godine.

### II USLOVI

Podnosilac prijave treba da ispunjava sljedeće uslove:

- da je nezaposlena osoba ili osoba sa minimalnim primanjima ili mlada osoba u dobi od 18 do 35 godina starosti, sa prebivalištem na području općine Fojnica

- da je nosilac ili član poljoprivrednog gazdinstva u Registru poljoprivrednih gazdinstava i Registru klijenata FBiH ili ovjerena izjava da će korisnik u toku 2026. godine izvršiti upis u Registar,
- da je podnosilac zahtjeva, supružnik ili član uže porodice vlasnik ili posjednik poljoprivrednog zemljišta pogodnog za plasteničku proizvodnju ili da je poljoprivredno zemljište pogodno za plasteničku proizvodnju uzeto na korištenje ili u zakup na najmanje 3 godine i da se isto nalazi u neposrednoj blizini stambenog objekta u kojem stanuju (udaljenost ne veća od 1000 m putne komunikacije),
- da ima mogućnost navodnjavanja plastenika,
- da u trenutku predaje zahtjeva za učešće u ovom projektu nema više od 100 m<sup>2</sup> plastenika u svom posjedu ili posjedu užeg člana domaćinstva (pod posjedovanom plasteničkom površinom smatra se plastenik metalne konstrukcije sa bočnim ventiliranjem),
- da sufinansira 15% od nabavne cijene plastenika sa dodatnom opremom (598,50KM),
- da obavezno prisustvuje edukaciji iz oblasti plasteničke proizvodnje, koju organizuju NVO Muslim Aid Association i općina Fojnica,
- da u posljednjih tri godine nije ostvarivao pravo na donaciju plastenika od općine Fojnica, nadležnih ministarstava, humanitarnih i drugih organizacija,
- da će dobijeni plastenik zadržati u vlasništvu najmanje 3 godina od potpisivanja Ugovora.

### III POTREBNA DOKUMENTACIJA

Podnosilac prijave uz zahtjev prilaže sljedeću dokumentaciju:

1. Potvrdu o prebivalištu (CIPS prijava),
2. Ovjerenu kućnu listu,
3. Dokaz o nezaposlenosti aplikanta i svih punoljetnih članova zajedničkog domaćinstva izdat od Službe za zapošljavanje, a za lica koja se ne vode na evidenciji Službe za zapošljavanje prilaže se potvrda izdata od porezne uprave Fojnica.
4. Potvrdu iz škole/fakulteta za učenike i studente, za djecu/izdržavane članove domaćinstva za djecu predškolskog uzrasta priložiti Izvod iz matične knjige rođenih
5. Uvjerenje iz porezne uprave Fojnica za svakog zaposlenog člana domaćinstva sa kućne liste
  - za penzionere posljednji ček od penzije ili potvrda izdata od banke,
  - za korisnike socijalne pomoći prilaže se uvjerenje Službe za socijalni rad općine Fojnica,
  - za korisnika koji pripada boračko-invalidskoj kategoriji, dostavlja uvjerenje iz Službe za BIZ o visini prihoda.

6. Vlasništvo ili posjed nad parcelom koja se namjerava koristiti za instaliranje plastenika (kopija ZK izvodka ili Posjedovnog lista ili Ugovor o zakupu/korištenju parcele),

7. Dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),

8. Dokaz da je podnositelj zahtjeva i/ili član domaćinstva osoba sa invaliditetom (potvrda/mišljenje stručne medicinske komisije o utvrđenom invaliditetu ),

9. Ovjerenu izjavu da u trenutku predaje zahtjeva za učešće u ovom pozivu nema više od 100 m<sup>2</sup> plastenika u svom posjedu ili posjedu užeg člana domaćinstva,

10. Ovjerenu izjavu da će korisnik podsticaja dobijeni plastenik zadržati u vlasništvu najmanje 3 godine od potpisivanja Ugovora,

11. Ovjerenu izjavu da podnositelj zahtjeva u posljednje 3 godine nije ostvario pravo na donaciju plastenika od općine Fojnica, nadležnih ministarstava, humanitarnih i drugih organizacija,

12. Ovjerenu izjavu da će sufinansirati 15% od nabavne cijene plastenika sa dodatnom opremom (598,50 KM), te da će obavezno prisustvovati edukaciji iz oblasti plasteničke proizvodnje u trajanju od dva dana,

13. Ovjerenu izjavu da će se u toku 2026. godine upisati u Registar poljoprivrednih gazdinstava, ukoliko isti nije upisan.

Izjava za uslove pod rednim brojevima 9.,10.,11.,12.,13. se podnosi na zajedničkom obrascu „IZJAVA“, koja se zajedno sa zahtjevom za prijavu na Javni poziv može preuzeti na stranici općine Fojnica I na INFO PULTU općine Fojnica.

Kontakt osobe: Elma Merdžanić, telefon: 030-547-726

Komisija zadržava pravo naknadne provjere dokumentacije ukoliko se ukaže potreba za tim kao i mogućnost naknadne dopune dokumentacije u posebnim slučajevima.

#### **IV PROVOĐENJE POSTUPKA PO JAVNOM POZIVU**

Postupak po Javnom pozivu provest će Komisija imenovana od strane načelnika općine Fojnica, koju čine 3 člana od kojih su 2 člana predstavnici općine Fojnica, a 1 član predstavnik humanitarne organizacije NVO Muslim Aid Association.

Zadatak Komisije je:

- pregled prispjelih prijava,
- bodovanje i evidentiranje kandidata koji ispunjavaju uslove iz javnog poziva,
- obavljanje uviđaja na licu mjesta,
- izrada zapisnika o radu i sačinjavanje rang liste korisnika na osnovu utvrđenih kriterija za bodovanje.

Preliminarna rang lista odabranih kandidata se objavljuje na oglasnoj ploči općine Fojnica, službenoj stranici općine Fojnica i dostavlja se NVO Muslim Aid Association na dalju proceduru. Na preliminarnu rang listu, korisnici imaju pravo prigovora u roku 5 dana od dana objave na stranici općine Fojnica koji se podnosi u pisanoj formi Komisiji za rješavanje prigovora po Javnom pozivu

putem Službe za privredu, finansije I budžet. Komisiju iz prethodnog stava ovog člana formira načelnik na prijedlog Službe za privredu, finansije I budžet. Nakon razmatranja prigovora, Komisija sačinjava konačnu listu te istu dostavlja načelniku na potpis. Na osnovu konačne liste zaključit će se tripartitni ugovori između NVO Muslim Aid Association, općine Fojnica i odabranih korisnika kojim će biti regulisana međusobna prava i obaveze učesnika u ovom Projektu.

#### **V NAČINI I ROK PODNOŠENJA PRIJAVA**

Prijava na Javni poziv podnosi se dostavljanjem obavezne dokumentacije naznačene u Javnom pozivu u zatvorenoj koverti na protokol općine Fojnica ili putem pošte, na adresu: **Općina Fojnica, Bosanska 94,71 270 Fojnica, Služba za privredu, finansije I budžet**, sa naznakom: Komisija za provođenje Javnog poziva: „Prijava na javni poziv za dodjelu plastenika i prateće opreme-NE OTVARATI“ Rok za predaju prijava je 15 dana od dana objavljivanja Javnog poziva na stranici općine Fojnica, odnosno do 23.03.2026. godine. Prijave dostavljenje nakon navedenog roka biti će razmatrane jedino u slučaju da poštanski žig ukazuje na datum slanja prije zvaničnog isteka roka. Na poleđini koverta obavezno naznačiti ima i prezime fizičkog lica koje podnosi zahtjev, adresu i kontakt telefon. Nepotpuna i neblagovremena dokumentacija neće se uzimati u razmatranje.